

300



FA 260.088 .(1-17)

i 17759767

*

OFFICIA PROPRIA
FESTIVITATUM
POMPELONENSIS
ECCLESIAE ET DIOECESIS.
A SUMMIS PONTIFICIBUS
APPROBATA
JUXTA RUBRICAS BREVIARII
Romani Urbani VIII. & Decreta Sacrae
Rituum Congregationis.

Monaco



POMPELONE.

Apud Franc. Erasun et Rada.

Anno MDCCCXXXIII.



i 1775 9833

IN FESTO

6

B. MARIAE VIRGINIS

REGINAE SANCTORUM OMNIUM EL MATRIS PULCHRAE DILECTIONIS.

DUPLEX SECUNDÆ CLASSIS.

**Omnia ut in Festis Beatæ Mariae Virginis
præter sequentia.**

AD VESPERAS.

Ant. et Cap. de Laudibus.

Hymnus. Ave Maris Stella
etc.

℣. Gloria et honore coro-
nasti eam, Domine. (Alleluja
temp. Pasch., et sic infra.)

℟. Et constitusti eam su-
per opera manuum tuarum.
(Alleluja.)

Ad Magnificat. Aña. Ego ma-
ter pulchræ dilectionis, et timo-
ris, et agnitionis, et sanctae spei:
in me omnis gratia viae et veri-
tatis, in me omnis spes vitae et
virtutis. (Alleluja *temp. Pasch.*)

Oratio.

DEUS, qui Beatissimam Virgi-
nem Mariam, Omnum San-
ctorum Reginam, et Matrem pul-
chrae dilectionis, nos venerari
tribuisti: concede propitius; ut
ipsa protegente, te in omnibus,

et super omnia diligamus in
terrís, et Sanctorum tuorum fe-
lici consortio perfruamur in cœ-
lis. Per Dominum.

AD MATUTINUM.

Invitorium. Gloriam Bea-
tæ Virginis Mariae celebre-
mus: * Christum ejus Filium
adoremus Dominum. (Alleluja
temp. Pasch.)

Hymnus. Quem terra, pon-
tus, sidera, etc.

IN I. NOCTURNO.

Ant. 1. Mulierem fortem
quis inveniet? Procul et de
ultimis finibus pretium ejus.
(Alleluja.)

*(Temp. Pasch. sub hac Ant.
dicuntur tres Psalmi.)*

Ant. 2. Multae filiae con-
gregaverunt sibi dvitias; tu
vero supergressa es universas.

Ant. 3. Byssus et purpura
indumentum ejus: fortitudo et
decor indumentum illius.
et diadema de manu Domini.
Et posuit.

¶. Gloria et honore coronasti
eam, Domine. (Alleluja.)

¶. Et constitusti eam su-
per opera manuum tuarum.
(Alleluja.)

DE LIBRO ECCLESIASTICI.

Lect. I. *Cap. xxiv.*

EGO ex ore Altissimi prodivi
primogenita ante omnem
creaturam: Ego feci in cœlis
ut oriretur lumen indeficiens,
et sicut nebula texi omnem ter-
ram: Ego in altissimis habitavi,
et thronus meus in columna
nubis. Gyrum cœli circuivi
sola, et profundum abyssi pe-
netravi, in fluctibus maris am-
bulavi, et in omni terra steti,
et in omni populo, et in omni
gente primatum habui, et om-
nium excellentium, et humilium
corda virtute calcavi: et in his
omnibus requiem quaesivi, et
in haereditate Domini morabor.
Tunc praecepit, et dixit mihi
Creator omnium, et qui creavit
me, requievit in tabernaculo
meo, et dixit mihi: in Jacob
inhabita, et in Israel haeredi-
tare, et in electis meis mitte
radices. Tu autem Domine etc.

¶. Adamavit eam Dominus
super omnes mulieres,* Et po-
suit diadema regni in capite
ejus. (Alleluja *Temp. Pasch.*
et sic in sequent.)

¶. Accepit regnum decoris

Lect. II.

Ab initio et ante saecula crea-
ta sum, et usque ad futurum
saeculum non desinam, et in
habitatione sancta coram ipso
ministravi. Et sic in Sion fir-
mata sum, et in civitate san-
ctificata similiter requievi, et in
Jerusalem potestas mea. Et ra-
dicavi in populo honorificato,
et in parte Dei mei haereditas
illius, et in plenitudine sancto-
rum detentio mea. Quasi cedrus
exaltata sum in Libano, et quasi
cypressus in monte Sion. Quasi
palma exaltata sum in Cades, et
quasi plantatio rosae in Jericho.
Quasi oliva speciosa in campis,
et quasi platanus exaltata sum
juxta aquam in plateis. Sicut
cinnamomum et balsamum aro-
matizans odorem dedi: quasi
mirra electa dedi suavitatem
odoris: et quasi storax, et gal-
banus, et ungula, et gutta, et
quasi Libanus non incisus va-
poravi habitationem meam, et
quasi balsamum non mixtum
odor meus.

¶. Transite ad me omnes
qui concupiscitis me, et a ge-
nerationibus meis implemini:
Spiritus enim meus dulcis, et
haereditas mea super mel et
favum.

¶. Qui audit me non confun-
detur: et qui elucidant me vitam
aeternam habebunt. Spiritus.

Lectio III.

Ego quasi terebynthus extendi Ramos meos, et rami mei honoris et gratiae. Ego quasi vitis fructificavi suavitatem odoris, et flores mei fructus honoris et honestatis. Ego mater pulchrae dilectionis, et timoris, et agnitionis et sanctae spei. In me gratia omnis viae et veritatis: in me omnis spes vitae et virtutis. Transite ad me omnes qui concupiscitis me, et a generationibus meis implemini. Spiritus enim meus super mel dulcis, et haereditas mea super mel, et favum. Memoria mea in generationes saeculorum. Qui edunt me, adhuc esurient: et qui bibunt me, adhuc sitient. Qui audit me, non confundetur: et qui operantur in me, non peccabunt. Qui elucidant me, vitam aeternam habebunt.

¶. Meum est consilium et aequitas, mea est prudentia, mea est fortitudo: * Per me reges regnant, per me principes imperant, et potentes decernunt justitiam.

¶. Ego diligentes me diligo, et qui mane vigilant ad me, invenient me. Per me reges. Gloria Patri. Per me reges.

IN II NOCTURNO.

Ant. 1. Astitit regina á dextris tuis in vestitu deaurato, circumdata varietate. (Alleluja.)

Ant. 2. Dabit capiti tuo aug-

mentum gratiarum, et corona inclyta proteget te.

Ant. 3. Praeposuit eam Dominus super universum regnum suum, et dedit ei diadema, ut regnaret.

¶. Stola jucunditatis induit eam Dominus. (Alleluja.)

¶. Et coronam pulchritudinis posuit super caput ejus. (Alleluja.)

Sermo S. Thomae
Episcopi.

(S. Thom. a Villan. Conc. 2 de Nativ. B. M. V.)

Lectio IV.

VIRGINIS gloria omnis intus est, et magis cogitari potest, quam describi: sufficitque ad ejus plenam historiam quod scriptum est: de qua natus est Jesus, qui vocatur Christus. Quid amplius quaeris? Quid ultra requiris in Virgine? Sufficit tibi, quod Mater Dei est. Quaenam, obsecro, pulchritudo, quaenam virtus, quae perfectio, quae gratia, quae gloria Matri Dei non congruit? Solve cogitationibus habenas, dilata intellectus fimbrias, et describe apud te in animo Virginem quamdam purissimam, prudentissimam, pulcherrimam, devotissimam, humillimam, mitissimam, omni gratia plenam, omni sanctitate pollentem, omnibus virtutibus ornatam, omnibus charismatibus decoratam, Deo gratissimam:

quantum potes, tantum augē:
quantum vales, tantum adde:
major est ista Virgo, excellē-
tior est haec Virgo, superior est
Virgo ista. Si ancillas suas, et
ministras domus suae potentissi-
mus Deus ita magnifice deco-
ravit, ita donis et gratis venus-
tavit: qualem existimas condidit
matrem suam, unicam sponsam
suam, quam sibi ex omnibus
elegit, et prae omnibus ada-
mavit?

¶. Quae est ista quae pro-
cessit sicut sol, et formosa tam-
quam Jerusalem? *Viderunt eam
filiae Sion, et beatam dixerunt,
et reginae laudaverunt eam.

¶. Et sicut dies verni cir-
cumdabant eam flores rosarum,
et lilia convallium. Viderunt
eam.

Lectio V.

AUDI Prophetam: Astitit regina
a dextris tuis in vestitu deaurato,
circumdata varietate, et filiae Tyri in muneribus vultum
tuum deprecabuntur, omnes di-
vites plebis. Adducentur Regi
virgines, sed post eam: proximae
ejus afferentur tibi in laetitia et
exultatione. Omnis, inquam,
virginum candidatus chorus hu-
jus laudes concinit, omnes vultum
ejus deprecantur, et eam,
veluti Reginam venerantur et
colunt: omnibus eam Altissimus
praeposuit, non solum virgineis,
sed etiam angelicis choris, quia
mater ejus est, et Matrem Dei

debet omnis celsitudo. O miram
puellam sui Creatoris Matrem!
O stupendam dignitatem, ut
femina habeat cum Deo com-
munem filium, cui dicat, ut Pa-
ter: Filius meus es tu; et sit
puella mater ejus cuius Deus
pater est. Sed Filius ad dexte-
ram Patris sedet: Mater ad dex-
teram Filii, mutuoque commu-
nem Filium beatis oculis me-
dium conspiciunt. Videt Pater
in Filio personam, quam ab
aeterno genuit: videt Mater in
eo naturam humanam, quam in
suis visceribus assumpsit in tem-
pore. Complacet Pater in Filio:
gaudet Mater in Filio. Ait Pater
Filio: ex utero ante luciferum
genui te; ait Mater eidem Filio:
ex utero Virgo genui te. Stupet
de sua gloria, neque suam valet
ipsa comprehendere celsitudi-
nem; eo enim ipso quo Mater
Creatoris effecta est, omnium
creaturarum jure optimo Domi-
na, Reginaque constituta est.
Vere fecit tibi magna, qui po-
tens est, o Maria: vere ex hoc
quod Matrem suam te constituit,
beatam te dicent omnes genera-
tiones saeculorum, et nati eo-
rum, et qui nascentur ex illis.

¶. Ornatam monilibus filiam
Jerusalem Dominus concupivit:
Et videntes eam filiae Sion beatissimam praedicaverunt dicen-
tes: unguentum effusum nomen
tuum.

¶. Astitit regina a dextris
tuis in vestitu deaurato, circum-
data varietate. Et videntes.

Lectio VI.

Hoc nomen ex omnibus ipsa in Libro Ecclesiastici sibi delegerat, dicens: Ego mater pulchrae dilectionis, et timoris, et agnitionis, et sanctae spei. Ac si diceret: quid me aliis nominibus nuncupatis? Hoc solo nomine dignor, hoc solo cupio nuncupari vocabulo, in meam laudem hae solum prae aliis personent voces, in his mihi supramodum complaceo verbis. Nihil me ita delectat audire, quam cum dicitur mihi: de qua natus est Jesus. Audi, ergo, piissima, audi clementissima, de qua natus est Jesus. Hoc est enim nomen super omne nomen purae creaturae, in quo nemo tecum participat, o Virgo. Cui enim aliquando, non dicam hominum, sed etiam Angelorum dixit: Mater mea es tu, Filius tuus sum ego? Hoc autem sicut summae dignitatis, ita etiam perfectionis nomen est; summa enim humanae creaturae perfectio vitae hujus tota in amore Dei est: omnium autem amorum vitae praesentis, nullus est tantus, quantus matris ad filium. Hoc itaque matris honore, sola Virgo gaudes, sola dotaris, tibi soli cum superno Parente communis est filius, et quantum creaturae fas est, simillimus amor: amat angelus, sed ut Dominum: amat Virgo, sed ut Filium. Ac proinde Angelus ab ipso redamatur, sed ut servus;

sed Virgo redamatur ut mater, in utroque beata, et quia sic amat, et quia amatur ab illo. Huic ergo pleno gaudio jubilemus: est enim unde apud ipsam quodammodo gloriemur.

¶. Favus distillans labia tua, mel et lac sub lingua tua, * Et odor vestimentorum tuorum sicut odor thuris.

¶. Pulchra es amica mea, suavis et decora sicut Jerusalem, terribilis ut castrorum acies ordinata. Et odor. Gloria Patri. Et odor.

IN III NOCTURNO.

Ant. 1. Anunciate inter gentes gloriam ejus, in omnibus populis mirabilia ejus. (Alleluja.)

Ant. 2. Induit eam Dominus vestimentis salutis, et in dumento justitiae, quasi sponsam decoratam corona.

Ant. 3. Immortalis est memoria illius, et in perpetuum coronata triumphat.

¶. Posuisti Domine super caput ejus. (Alleluja.)

¶. Coronam de lapide pretioso. (Alleluja.)

Lectio S. Evangelii secundum Joannem.

Lectio VII. Cap. xix.

In illo tempore: Stabant juxta Crucem Jesu Mater ejus, et so-

ror matris ejus Maria Cleophae et Maria Magdalene. Et reliqua.
Homilia S. Petri Damiani.
(Ex sermone I de Nativit.
Virg. in finem.)

VIRGO Dei genitrix, cuius pulchritudinem sol et luna mirantur, subveni, Domina, clamantibus ad te jugiter; revertere, revertere, Sunamitis, revertere, revertere, ut intueamur te. Tu, benedicta, et superbenedicta, revertere primo per naturam. Numquid quia ita dei-ficata, ideo nostrae humanitatis oblita es? Nequaquam, Domina: scis in quo discrimine nos reliqueris, ubi jaceant, quantum delinquent servi tui: non enim convenit tantae misericordiae, tantam miseriam oblivisci; quia etsi subtrahit gloria, revocat natura: non enim ita memoraris justitiae Dei solius, ut misericordiam non habeas, neque ita es impassibilis, ut sis incom-passibilis. Naturam nostram habes, non aliam; et justum est, ut de rore tantae pietatis diffusius infundamur.

R. Accepit regnum decoris, et diadema speciei de manu Domini: * Quoniam dextera sua reget nos, et brachio sancto suo proteget nos.

Y. Tamquam si cui mater blandiatur, ita et ego consolabor vos. Quoniam.

Lectio VIII.

REVERTERE secundo per poten-tiam. Fecit in te magna qui-

potens est, et data est tibi omnis potestas in cœlo et in terra. Ni-hil tibi impossibile, cui possi-bile est desperatos in spem beatitudinis relevare. Quomodo enim illa potestas tuae potentiae poterit obviare, quae de carne tua carnis suscepit originem? Ac-cidis enim ante illum aureum hu-manae reconciliationis altare, non solum rogans, sed impe-rans, Domina, non ancilla. Mo-veat te natura, potentia moveat, quia quanto potentior, tanto misericordior esse debebis. Po-testati enim cedit ad gloriam, injurias ulcisci nollecum possit.* Reverte tertio per amorem. Scio, Domina, quia benignissi-ma es, et amas nos amore in-vincibili, quos in te et per te Filius tuus et Deus tuus summa dilectione dilexit. Quis scit, quoties refrigeres iram judicis, cum justitiae virtus à praesentia Deitatis egreditur?

R. Quae est ista quae ascen-dit sicut virgula fumi ex aroma-tibus mirrae et thuris? * Quae est ista quae ascendit deliciis affluens, innixa super dilectum suum?

Y. Amica mea pulchra, sua-vis, decora sicut Jerusalem, ter-ribilis, ut castrorum acies ordi-nata. Quae est ista. Gloria Patri. Quae est ista.

Lectio IX.

REVERTERE quarto per singula-ritatem. In manibus tuis sunt

thesauri miserationum Domini, et sola electa es, cui gratia conceditur. Absit, ut cesset manus tua cum occasionem quaeras salvandi miseros, et misericordiam effundendi: neque enim tua gloria minuitur, sed augetur, cum pœnitentes ad veniam justificati, ad gloriam assumuntur. Revertere ergo Sunamitis, id est, despecta, cujus animam pertransivit gladius, quae fabri uxor appellata fuisti. Ad quid? Ut intueamur te. Summa gloria est, post Deum, te videre, adhaerere tibi, et in tuae protectionis munimine demorari. Audi nos, nam et Filius nihil negans honorat te, qui est Deus benedictus in saecula saeculorum.

*Te Deum Laudamus. Si IX lectio debet recitari de Dominica, vel de simplici, tunc ex tribus duo fient, nempe prima usque ad * Revertere tertio: secunda usque ad finem.*

AD LAUDES

ET PER HORAS.

Ant. 1. Adamavit eam Dominus plus quam omnes mulieres, et posuit diadema regni in capite ejus. (Alleluja temp. Pasch.)

Ant. 2. Posuit super caput ejus diadema, ut ostenderet cunctis populis et principibus pulchritudinem ejus. (Alleluja.)

Ant. 3. Tu gloria Jerusalem, tu laetitia Israel, tu hono-

rificentia populi nostri. (Alleluja.)

Ant. 4. Veni de Libano, sponsa mea, veni de Libano, coronaberis. (Alleluja.)

Ant. 5. Fulcite me floribus, stipate me malis, quia amore langueo. (Alleluja.)

Capitul.

Prov. viii.

Ego diligentes me diligo, et Equi mane vigilant ad me, convenient me. In viis justitiae ambulo, ut ditem diligentes me. Qui operantur in me, non peccabunt. Qui elucidant me, vitam aeternam habebunt.

*Hymnus. O gloriosa Virgini-*num, etc.

ꝝ. Corona aurea super caput ejus. (Alleluja.)

ꝑ. Expressa signo sanctitatis, gloriae et honoris. (Alleluja.)

Ad Benedictus.

Ant.

Transite ad me omnes qui concupiscitis me, et a generationibus meis implemini: spiritus enim meus dulcis, et haereditas mea super mel et favum. (Alleluja.)

Oratio.

DeUS, qui Beatissimam Virginem Mariam, Omnim Sanctorum Reginam, et Matrem pulchrae dilectionis, nos venerari tribuisti: concede propitius; ut

ipsa protegente, te in omnibus,
et super omnia diligamus in
terris, et Sanctorum tuorum fel-
lici consortio perfruamur in coe-
lis. Per Dominum.

AD TERTIAM.

Ant. Posuit super caput.

Cap. Ego diligentes (*ut in
Laud.*)

R. br. Gloria et honore*
Coronasti eam Domine. (Alleluja,
Alleluja. *Temp. Pasch.*)
Gloria et.

V. Et constituisti eam su-
per opera manuum tuarum. Cor-
onasti. Gloria Patri. Gloria et
honore.

V. Stola jucunditatis induit
eam Dominus. (Alleluja.)

R. Et coronam pulchritu-
dinis posuit super caput ejus.
(Alleluja.)

AD SEXTAM.

Ant. Tu gloria.

Cap. *Prov. viii.*

BEATUS homo qui audit me, et
qui vigilat ad fores meas quo-
tidie et observat ad postes ostii
mei. Qui me invenerit, inveniet
vitam, et hauriet salutem a Do-
mino.

R. br. Stola jucunditatis*
Induit eam Dominus. (Alleluja,
Alleluja.) Stola.

V. Et coronam pulchritudi-
nis posuit super caput ejus.
Induit eam. Gloria Patri. Stola
jucunditatis.

V. Posuisti Domine super
caput ejus. (Alleluja.)
R. Coronam de lapide pre-
tioso. (Alleluja.)

AD NONAM.

Ant. Fulcite me.

Cap. *Eccli. xxiv.*

Qui audit me non confun-
derunt, et qui operantur in me non
peccabunt. Qui elucidant me,
vitam aeternam habebunt.

R. br. Posuisti Domine* Su-
per caput ejus. (Alleluja, Alle-
luja.) Posuisti.

V. Coronam de lapide pre-
tioso. Super caput.

Gloria Patri. Posuisti Domine.

V. Ora pro nobis Mater pul-
chrae dilectionis. (Alleluja.)

R. Ut digni efficiamur pro-
missionibus Christi. (Alleluja.)

IN II VESPERIS.

(*Omnia ut in primis, praeter
sequentia.*)

V. Ora pro nobis Mater pul-
chrae dilectionis. (Alleluja.)

R. Ut digni efficiamur pro-
missionibus Christi. (Alleluja.)

Ad Magnificat.


Ant. O beata Virgo Maria:
tu veniae vena, tu gratiae et
pulchrae dilectionis Mater, tu
spes mundi et cœli Regina,
exaudi filios tuos clamantes ad
te. (Alleluja.)

Oratio ut supra.









OFFICIA

PROPRIA

MISSA